

二十四史九通政典類要合編

皇朝

第 五 冊

新
平
和
聲

PDG

二十四史九通政典類要合編卷三百四

皇朝十二

職官 官制

自古帝王體國經野因人事以授官馬考所載漢唐之迹備矣宋承唐制階品煩多雖正官非別勅不治本司事當時朝士頗議之而終不能革遼設南北面諸官以理庶務金建三省頒新制換官格雖因俗之治亦一代之規也元初命劉秉忠許衡等酌古今之宜定內外之官典制纂備大德以後爵賞滋繁名器日濫焉明太祖罷丞相以部府諸司理天下事亦漢九卿遺意未造批答歸之寺人軍紀司於統緒豈立法之始意乎 本朝創制顯庸典章明備 國初首設八旗天命十一年設入大臣及十六大臣自是定官制建六部內文武綱舉目張 世祖章皇帝混一寰宇大小官制相維蓋監前代而損益之而內而八旗各部院外而督撫提鎮滿漢並用文武兼資補缺汰浮因革盡善 列聖相承凡所以綜覈名實澄敘官方因時以制宜者無弗周備 通考

宗人府宗令一人 左右宗正各一人 左右宗人各一人並順治元年置掌 皇族之屬籍以時

修輯 玉牒辨昭穆序爵祿均其惠養而布之教令凡親疎之屬胥受治焉 初制宗令以新王郡王統理宗正以貝勒貝子

兼攝宗人以鎮國輔國公及將軍兼攝後擇賢任使不復以封爵爲限 府丞漢人一人順治九年置掌校理漢文冊籍 初制有覺羅

漢軍啓心郎二員與丞均爲正官康熙十二年裁 左右司理事官宗室各二人 副理事官宗室各二人 主事宗室

各二人分掌左右翼宗室覺羅之籍並書其子女適庶生卒婚嫁官爵名諡以備 玉牒紀載凡承

襲次序秩俸等差及養給貧幼優恤婚喪之事時為稽核綜理焉初制設郎中六員員外郎四員主

兩司三十八年兩司各裁郎中一員雍正二年改郎中為理事官改員外郎為副理事官惟主事仍

舊名初制皆以覺羅為之後以覺羅滿洲參用雍正二年定以宗室滿洲參用乾隆二十九年定制

悉以宗室為之 經歷宗室二人掌出納文書 順治九年初制經歷三員其二員參用宗室滿洲一員用漢

室為之 堂主事宗室二人掌奏疏稿案 初制以宗室滿洲參用乾隆 漢主事二人掌漢文冊籍 正

元年 增置 筆帖式宗室二十四人掌繙譯文書 初制以宗室滿洲參用乾隆 通典

詹事府詹事滿洲漢人各一人 漢人詹事兼翰林 院侍講學士銜 少詹事滿洲漢人各一人 漢人少詹事兼翰林

經史文章之事凡充 日講官纂修書籍典試提學皆與翰林官同凡遇秋審朝審及奉 旨下九

卿翰林詹事科道會議之事咸入班預議焉 通典

謹按詹事府順治元年設少詹事一人其年十一月省歸內三院九年四月復設詹事以下等官又

有滿洲左右諭德乾隆十三年裁左右春坊初設左右諭德亦先後裁省又按詹事之名始於秦漢

迄于有明大率為東宮官屬我 國家萬年垂統 睿慮深長 家法相承不事建儲 皇子皆在

尙書房讀書選翰林官分侍講讀日有程課 特命大臣為總師傅以綜領其事凡詹事坊局之

舊稱官僚者特留以備詞臣遷轉之階法度周詳超軼前古 皇上典謨垂示 宸諭屢頒良法昭

垂洵萬世不易之隆軌也 通志

內務府總管大臣無定員以王公大臣兼攝或以侍衛府屬郎中內三院卿 簡用掌理內府之政
令凡職員選除財用出入宴饗祭祀膳羞服御賞賚賜予刑罰工作教習訓導之事皆綜理而受其
成凡直宿日派總管大臣一人如因事不能入直以郎中等官代之所屬廣儲會計掌儀都虞慎刑
營造慶豐七司及諸衙門上駟院奉宸苑武備院並隸焉 通典

內務府之制以七司各掌府事其餘分建衙門並鑄給關防印信統轄於總管大臣而不與七司相
隸屬唯是事類相近允宜依次分歸茲並遵會典成例以類序次唯內三旗護軍營 圓明園護軍
營暨各 行宮千總會典序官著於武職篇而奉行則例仍載於都虞司卷中以府屬武職諸事均

隸都虞司也 通志

殿閣大學士滿漢各二人

兼各部
尚書銜

協辦大學士滿漢各一人掌宣

綸綍管理庶政內外諸司題

疏到票擬進 呈得報轉下部科凡上

徽號進

冊寶

冊印俱由內閣撰擬文篆至

皇子

皇孫及王公公主名號俱承

旨擬奏凡纂修

實錄史志諸書充監修總裁官

經筵領講官會

試充考試官

殿試充讀卷官凡擢任大學士膺

簡命後奏請殿閣名及各部兼銜其協辦大學

士以六部尚書

簡充滿漢各一人均爲實理機務表率百僚朝位班次俱列六部尚書之上自

國初置文館設八大臣及十六大臣凡事與諸貝勒會議天聰十年改設內三院曰內國史院曰內

祕書院曰內弘文院各設大學士一人內閣史院掌記注 詔令編輯

實錄史書撰擬

郊祀祝

文慶賀表文 誥命印文 冊文內祕書院掌撰外國往來書狀及 敕諭祭文之屬內弘文院掌
注釋歷代行書善惡進講侍講並教諸親王德行制度之屬順治元年二月增設內三院學士各一
員二年以翰林官分隸之增侍讀學士侍讀等官九年設典籍十五年改內三院爲內閣其大學士
俱加殿閣銜殿名四曰中和曰保和曰文華曰武英閣名二曰文淵曰東閣仍分設翰林院十六年
裁學士侍讀學士等官定內閣與翰林院各分職掌十八年復改內閣爲內國史院內祕書院內弘
文院裁翰林院康熙九年十月內院仍爲內閣復翰林院官如舊

通典

內閣自侍讀學士以下辦理本章分爲五所曰滿本房專司繕寫清字校正清文曰漢本房專司繙
譯清漢文曰蒙古本房專司繙譯外藩章奏及繕寫頒行西番屬國 詔敕曰滿票籤處曰漢票籤
處專司繕寫清漢票籤記載 諭旨及撰文之事又有稽察房稽察各部院遲延事件月終彙奏大
學士酌委侍讀學士侍讀中書兼司之又稽察欽奉 上諭事件處雍正八年置以滿漢大學士各
部院堂官兼領其文移鈐以典籍印以上各處雖非設有專官而職守所存均關綸扉典則

通志

翰林院掌院學士滿洲漢人各一人 侍讀學士滿洲二人漢人三人 侍講學士滿洲二人漢人
三人 侍讀滿洲二人漢人三人 侍講滿洲二人漢人三人 修撰編修檢討無定員凡翰林官
掌 國史圖籍制誥文章之事 南書房侍直 尚書房教習自讀講學士以下咸得與選凡遇祭
告 郊 廟神祇則擬上祝文恭上 徽號 冊立 冊封則擬上 冊文寶文內外文武官碑文

祭文皆撰詞以進而行之修輯諸書則以掌院學士充總裁官讀講學士以下充纂修官其直省考官及提督學政磨勘鄉會試卷皆預焉通典

庶常館教習大臣滿洲漢人各一人 小教習翰林官六人庶吉士無定員凡每科 殿試傳臚後集諸進士于 保和殿而試之錄其佳卷進 御掌院學士乃以諸進士引 見凡人 選者改爲

庶吉士入館分清漢書肄業不任以事吏部疏請 簡用大臣二人掌教習事月考其學業而成就之以侍讀侍講以下學優品端者分司訓課比三年期滿教習疏請散館試以詩賦 上親定甲乙越日引 見留館者授職餘以主事知縣用有差自 國初設文館于 盛京天聰十年改建內三

院順治元年設翰林院置漢人掌院學士一人侍讀學士侍講學士各一人二年省併內三院十五年復設如元年制增置滿洲掌院學士一入漢人侍讀侍講學士各二人十八年仍省入內三院康熙九年始定設翰林院增置滿洲侍讀侍講學士各三人二十八年五月以大學士徐元文兼管翰林院掌院學士事始用重臣兼領自乾隆元年以來大學士及尙書侍郎 特簡兼攝以重其任其學士員缺不別加除授焉侍讀侍講順治元年置漢人侍讀侍講各二人十五年各增一人康熙九年增置滿洲侍讀侍講各三人乾隆五十年二月裁滿洲侍讀學士侍講學士侍讀侍講各一人修撰以授第一甲第一名進士編修以授第一甲第二第三名及二甲進士檢討以授三甲進士皆以庶吉士散館者充之其試博學鴻詞科入式及奉 特旨改館職者亦間得除授不爲定額 國初

教習多以內院學士爲之侍讀等亦間有預者自康熙九年後皆以掌院學士領其事而內閣學士時參用焉六十年辛丑科始以工部尚書陳元龍領教習事嗣後尚書侍郎之不兼院事者均得爲之皆由 特簡無常制 通典

吏部尚書滿洲漢人各一人掌中外文職銓敘勳階黜陟之政釐飭官常以贊邦治其屬有文選考功稽勳驗封四清吏司初天聰五年十月議定官制 謹按吏部滿洲漢人各一人掌中外文職銓

邦治 國朝自天聰五年始設六部每部一員勅主之六部置承政參政與啓心郎順治元年停員勅總理制政承政爲尚書參政爲侍郎五年定滿漢尚書各一人七年增設滿洲尚書一人八年仍令親王郡王兼攝部務九年停十年復裁滿洲尚書一人十五年裁啓心郎順治元年停員郎雍正元年以來常以大學士兼理部務與尚書率其屬以敘正羣吏焉 通志

戶部尚書滿洲漢人各一人掌天下土田戶口錢穀之政平準出納以均邦賦所屬有山東山西河南江南江西福建浙江湖廣陝西四川廣東廣西雲南貴州十有四司 通典

戶部自十四司外其別領者有三曰井田科掌覈入旗土田內府莊戶凡入官房宅地畝及歲租畝給之數悉以咨之雍正十二年置曰俸餉處掌覈入旗官兵俸餉庫銀丁冊視所由牒請畫一而給受之曰現審處掌治八旗戶口田房之訟會刑部以聽其成皆鑄給關防乾隆十三年置堂官總司屬分治其政令無定員 通志

禮部尚書滿洲漢人各一人掌吉嘉軍賓凶之秩序學校貢舉之法以贊邦禮所屬有儀制祠祭主客精膳四清吏司乾隆十四年定制禮部滿洲尚書以兼管樂部太常寺鴻臚寺入銜永爲定式 通典

禮部初設馬館二正副監督各一人乾隆二十七年省監督官以馬館歸理藩院經理又禮部初設

滿宣表官四人後裁二人今亦省併太常寺

志通

兵部尚書滿洲漢人各一人掌中外武職銓選簡覈軍實以贊邦治其屬有武選車駕職方武庫四

清吏司

通典

兵部初設督捕侍郎及理事郎中員外郎主事司務司獄等官後俱省其職事併入刑部督捕司又初設有會同館大使亦省又京城九門步軍及巡捕營初制以兵部職方司主事掌之後歸入步軍統領衙門前代兵權所屬俱歸之兵部易至廢弛我朝武功赫濯軍令嚴明凡當命將出師無不恪承謨略初置議政大臣以參承軍事籌畫自雍正初年以來復設辦理軍機事務處承旨

書宣乾綱獨運所至悉迅奏膚功立法精詳實自來所未有也

志通

刑部尚書滿洲漢人各一人掌折獄審刑簡核法律受天下奏讞咸閱實而上其辭以肅邦憲所屬

有直隸奉天江蘇安徽江西福建浙江湖廣河南山東山西陝西四川廣東廣西雲南貴州督捕十

有八司

初置刑部設江南等十四司康熙三十八年省兵部督捕衙門以督捕前司後司及督捕廳

改隸刑部為十六司雍正元年增置左右二現審司凡四繫之待讞者則主其鞫訊之事十

二年析江南司為江蘇安徽二司罷督捕前司及督捕廳併其事于後司仍省後字但曰典

通

督捕司乾隆二年改右現審司為直隸司七年復改左現審司為廢天司始定為十八司

國初沿明制歲遣三法司堂上官至直省審決順治十四年改遣司屬後停止又按雍正十二年刑部設立總辦秋審處以諳練司員任之其職雖由堂官掄派而專司秋讞所繫綦重矣

志通

工部尚書滿洲漢人各一人掌天下工虞器用辨物庀材以飭邦事所屬有營繕虞衡都水屯田四清吏司通典

工部舊設營繕所所正一員所副一員俱順治十五年省所丞二員順治十四年置雍正四年俱省

又舊沿明制有文思院廣積庫柴炭司通州抽分竹木局大使各一員後俱省又初設有柴薪正副

監督各一人煤炭監督二人乾隆四十六年以其事併歸內務府經理焉通志

理藩院尚書一人左右侍郎各一人均以滿洲蒙古補授額外侍郎一人特簡蒙古貝勒貝子之賢能者任之掌內外藩蒙

古回部及諸番部封授朝覲疆索貢獻驛驛徵發之政令控馭撫綏以固邦翰所屬有旗籍王會典

屬柔遠徠遠理刑六清吏司自國初設蒙古衙門承政參政等官崇德三年六月定蒙古衙門為

理藩院七月定置承政一員左右參政各一員順治元年改承政為尚書左右參政為左右侍郎十

五年以禮部尚書銜掌理藩院事以禮部侍郎銜協理理藩院事十八年仍為理藩院尚書侍郎雍

正元年以王公大臣士兼理院事又初設滿漢啓心郎順治十五年裁通典

按我朝威德廣被無遠弗屆內札薩克藩屬暨喀爾喀青海西藏久受疆索比於內臣聖武布

昭氾濫底定北踰瀚海西越流沙莫不蕃布星羅咸歸版籍而綜其成於理藩院通志

都察院左都御史滿洲漢人各一人左副都御史滿洲漢人各二人掌察覈官常整飭綱紀國

初都察院置承政一員左右參政各二員順治元年改承政為左都御史參政為左副都御史員數

增減不一三年定設左副都御史滿洲漢人各二人五年定設左都御史滿洲漢人各一人舊有滿洲啓心郎一員漢軍啟心郎二員順治十五年省又有漢人左僉都御史一員乾隆十年省其右都御史爲總督坐銜右副都御史爲巡撫坐銜俱無京員故都察院長官皆以左繫銜焉

通典

舊制御史分十四道而以河南江南浙江山西山東陝西爲六掌道分稽在京諸司及各直省刑名河南道仍參治院事京畿道惟照刷卷宗六掌道各以二員或一員協理依次遞遷其他則謂之坐道乾隆十四年特詔釐正按道安額各給印信而以職事分隸之二十年復命以京畿道改列

河南道之前俾互易所掌於是敘次秩然矣

通志

通政使司通政使滿洲漢人各一人副使滿洲漢人各一人參議滿洲漢人各一人掌受天下

章奏校閱送閣稽其程限而按其違失有不如式者刻論之

通典

通政使司在明代爲朝廷喉舌之總匯委寄過重奸蔽百出我朝達聰明目規制周詳凡臣工封

事由奏事處恭遞直達御前其陳事之疏在內各部院則徑送內閣在外督撫則送通政使司亦

第校閱錯訛送閣票擬皇上躬親批答鉅細不遺銀臺閣門無不凜遵定制恪守官常

通志

大理寺卿滿洲漢人各一人少卿滿洲漢人各一人掌平反重辟以貳邦刑與刑部都察院爲三

法司凡直省案件寺受其牘下左右寺官準律定讞卿受其中候刑部簡正既孚致辭於寺迺參覈爲議合者弊之不合者反之凡刑部重辟囚以左右寺司讞者暨御史會刑司察其辭辨其死刑之

罪而要之致辭於卿迺詣刑部暨都御史會聽之各麗其法以議獄議合者弊之不合者覆之必盡合乃會疏以上異則另爲一議具奏凡有應議大政大獄與六部都察院通政使司稱九卿會議焉

通典

我朝慎重邦刑直省請讞皆令三法司核擬會疏具奏蓋以刑部核其實以都察院大理寺簡

其孚而大聖人欽恤深仁務使庶獄咸歸平允好生之德洽于民心遠軼虞廷盛軌矣

通志

太常寺卿滿洲漢人各一人少卿滿洲漢人各一人掌典守壇壝廟社以歲時序其祭祀

而詔其行禮之節祭日則帥其屬以分司厥事凡牲牢之數籩豆之實咸準儀式而爲之供備焉

國初太常寺隸禮部置卿少卿等官凡祭祀事宜由禮部掌行順治十六年改歸本寺康熙二年復

以寺事屬禮部十年仍歸本寺雍正元年始特簡大臣總理寺事乾隆十四年定禮部滿洲尙書

以兼管太常寺入銜永爲成式

光祿寺卿滿洲漢人各一人少卿滿洲漢人各一人掌大內膳羞及祭祀朝會燕饗酒醴饗餼

之需辨其物品釐其法式以待供饋凡大祀則現剉牲祭之日以卿二人進福酒福胙而頌其膳肉

於百執事之人凡蕃國貢使廩于館者則序其等而爲之庀具焉

以上通典

周禮膳夫有惟王不會之文說經者或以爲疑不知當時九式掌于冢宰人主自不得恣其費用所

以用皆合式不必以有司之法會之並非蕩然無節也三代以後侈汰漸萌至明嘉隆間歲用逾四

十萬厨役多至四千一百餘名奸蠹叢生實爲弊藪我朝自康熙初定制錢糧皆歸戶部光祿以

時支取儲用厯加撙節歲祇支銀二萬兩月要其數以奏務使品式有定出入有經冗費盡除成

規共守信足永昭儉德矣

通典

太僕寺卿滿洲漢人各一人少卿滿洲漢人各一人掌兩翼牧馬場之政令凡遇車駕行幸以

卿少卿一人隨蹕司慢城網城馱載橐駝每歲夏季則以卿少卿一人率屬赴牧場稽其孳生斃

損之數分註于冊三年乃均齊之以定賞罰焉

通典

秦漢以後戎馬皆養於官以太僕專司其事利害得失之由具詳史冊我朝考牧精詳斯臧誌慶

卽口外草肥土衍之地分置牧廠自太僕寺左右翼暨上都達布遜諾爾達里岡愛烏梁海大凌河

以及蒙古部落孳牧蕃息雲錦成羣遠軼前古而哈薩克拔達克山等部競以所產上貢天閑牧

廐豐盈標營充實按地分飼條格精詳牧政之善古今莫及也

通志

鴻臚寺卿滿洲漢人各一人少卿滿洲漢人各一人掌朝會賓客祭祀燕饗之儀詔之蕃位而贊

其升降拜跪之節有失朝及不如儀者糾之

國子監祭酒滿洲漢人各一人司業滿洲蒙古漢人各一人掌成均之法以教國子及俊選之士

八旗官學亦隸屬焉分經書文藝以課諸生月有試季有考以辨其詣力之勤惰學業之優劣而董

勸之

以上通典

成均之法爲教化所由興我 國家崇儒重道學校風行 皇上親詣太學 謨詰屢申乾隆四十
八年復 特命勅建圓水辟雍斟酌古度地鳩工事既成于五十年仲春上丁 釋奠禮成 躬
臨講學蓋自元明五百年以來久未建置而 大聖人久道化成事昭 茂典 御製碑記發明復
古之意槐市諸臣恭逢 盛儀益當推廣 教思興起多士也志通

欽天監監正滿洲一人西洋一人 監副滿洲漢人各一人 左右副監各西洋一人掌測候推步
之法觀察星辰稽定節序占天象以授人時所屬有時憲天文漏刻三科

八旗都統滿洲蒙古漢軍旗各一人 副都統旗各二人分掌滿洲蒙古漢軍二十四旗之政令以
宣布教養整詰戎兵釐治土田稽覈戶口 八旗驍騎參領滿洲旗各五人蒙古旗各二人漢軍旗
各五人 副驍騎參領各如參領之數掌受都統副都統之政令以頒于佐領而行之 八旗佐領

滿洲六百八十人蒙古二百有四人漢軍二百六十六人 驍騎校每佐領下一人掌稽所治人戶

田宅兵籍以時頒其職掌 印務參領滿洲旗各二人蒙古旗各一人漢軍旗各二人於本旗參領內選充

印務章京滿洲旗各八人蒙古旗各四人漢軍旗各六人於佐領驍騎校世職內選充 印務筆帖式滿洲旗各

八人蒙古旗各四人漢軍旗各六人於生監甲兵內選充 隨印外郎漢軍旗各一人蒙古旗各一人於漢軍官學生

內考 掌章疏文移案牘及繙譯行遣之事雍正七年每旗設左右司掌關防參領章京及司務等員

定以上

通典

自古周廬子列設戟百重環衛之官其職彌重周禮宮正宮伯實後世郎衛所由始其時皆以勳親入侍休戚一心法制盡善漢代三署郎多選經明行脩者充之猶爲不失遺意厥後或權移宦豎或委寄非人代多流弊我朝侍衛之職訓習有道稽覈有方出則當折衝之任入則備翊衛之班所以上應勾陳環拱宸極者其規模實爲閎遠矣志通

三旗領侍衛內大臣六人

鑲黃正黃正白三旗每旗各二人

掌統領侍衛親軍

內大臣六人散秩大臣無定員俱

掌先後

宸御左右翊衛出入扈從

國初以八旗將士平定海內鑲黃正黃正白三旗皆天子

所自將爰掄其子弟命曰侍衛用備隨侍宿直統以勳戚大臣而宗室之秀外藩之侍子亦咸得以選預環列焉凡輪直殿廷以領侍衛內大臣等總統之若朝會燕饗時巡大閱則率其屬以

執事領侍衛內大臣皆由

特簡內大臣亦如之散秩大臣由

特恩簡授無定額其勳舊後裔世

襲者以次承襲

御前侍衛

乾清門侍衛俱無定員

於三旗侍衛內選用

一等侍衛三旗六十人宗室九人

二等侍衛三旗一百五十人宗室十八人三等侍衛三旗二百七十人宗室六十三人藍翎侍衛三

旗九十人漢人侍衛無定員

分一二三等及藍翎侍衛

掌宿衛扈從更番輪直凡六班班分兩翼宿衛乾清門

內右門

神武門

靈壽門爲內班宿衛

太和門爲外班

行幸駐蹕宿衛如宮禁之制扈

從前導領侍衛內大臣侍衛班領帶領執豹尾槍侍衛佩長把刀侍衛扈從隨行侍衛班領委署侍

衛班領侍衛按隊扈從隨行其散秩大臣侍衛什長帶領執纛親軍扈從隨行

大閱則按隊環衛

各其事其分司職守者有粘竿處侍衛三十四人上駟院侍衛二十四人養鷹狗處侍衛九人善撲處武備院及諳達侍衛無定員皆統於三旗員額

提督九門巡捕五營步軍統領滿洲一人以親信大臣兼任之掌京城內外門禁銷鑰統帥八旗步軍五營將備以徵巡京師詰禁奸宄平易道路肅清輦轂以上通典

都城爲四方會極民物殷繁故董正之司自古特加慎重我朝置步軍統領之職掌管門禁提督

京營特簡親信重臣以膺斯任綱維整飭法令謹嚴近復增廣二營添設兵弁星羅碁布規條整肅立法至爲詳善焉通志

順天府尹漢人一人掌京畿治理凡田賦出納之政以時句稽會直隸總督而上其要於戶部凡師行則和雇民車歲以立春前一日率僚屬迎春東郊遂進春於宮門退而頒春於民間以勸東作耕藉則具耒耜絲鞭實青箱以種稷奉之以從鄉試則充監臨凡考試咸司其供具焉丞漢人一人掌學校之政令鄉試則充提調官以佐尹而經理之

總督直隸一人駐保定府江南江西一人駐江甯府福建浙江一人駐福州府湖北湖南一人駐武昌府四川一

人駐成都府陝西甘肅一人駐蘭州府廣東廣西一人駐廣州府雲南貴州一人駐南府掌總治軍民統轄文武

考覈官吏脩飭封疆直隸初設巡撫後加總督銜後又改爲直隸總督仍管巡撫事又有三省總督

駐大名府兼轄山東河南又有宣大總督駐山西大同府以宣化府屬之後俱省兩江總督初兼轄

河南後定爲兩江總督轄江蘇安徽江西湖廣總督初爲川湖總督後定爲湖廣總督轄湖北湖南
四川初設巡撫後裁設總督兼管巡撫事陝甘總督初兼轄四川改轄山西後定爲陝甘總督轄陝
西甘肅雲貴總督初兼轄廣西後定爲雲貴總督轄雲南貴州又河南初設河東總督轄河南山東
後省凡總督例兼都察院右都御史銜其應否兼兵部尙書銜由吏部請 旨定奪間有 擢任大

學士奉 特旨留任者

巡撫直隸一人總督兼山東一人駐濟南府山西一人駐太原府河南一人駐開封府江蘇一人駐蘇州府安徽一人駐安慶府

江西一人駐南昌府福建一人駐福州府浙江一人駐杭州府湖北一人駐武昌府湖南一人駐長沙府陝西一人駐西安府甘肅

一人總督兼廣東一人駐廣州府廣西一人駐桂林府雲南一人駐雲南府貴州一人駐貴陽府掌宣布 德意撫安齊民

脩明政刑興革利弊考羣吏之治會總督以詔廢置三年大比獻賢能之書則監臨之其武科則主

考試直隸初設順天巡撫正保巡撫宣府巡撫後併定爲直隸巡撫以總督兼管江南初設廬鳳巡

撫後定爲安徽巡撫江西初設南贛巡撫湖北初設鄖陽巡撫後俱省湖南初設偏沅巡撫後改湖

南巡撫陝西初設延綏巡撫寧夏巡撫後俱省凡巡撫例兼都察院右副都御史銜其應否兼兵部

侍郎銜由吏部請 旨定奪以上通典

總督漕運一人掌督理漕輓以足國儲凡收糧起運過淮抵通皆以時稽覈催償而總其政令駐淮安

康熙二十一年定制糧艘過淮後總漕隨運北上率所屬官弁相視運道險易調度全漕察不用命

者俾舳舻相接畢渡天津入 覲述職以重官守 巡視漕務四人掌稽察所巡之地挑淺疏濬趨程糾弊以肅漕政以給事中御史掄選

河道總督江南一人

駐淮安清江浦

掌黃淮會流入海洪澤湖汕黃濟運南北運河洩水行漕及瓜洲江工

支河湖港疏濬提防之事

山東河南一人

駐濟寧州

掌南河南下汶水分流運河蓄洩及支河湖港疏

濬隄防之事

直隸一人掌漳衛入運歸海永定河疏濬提防之事以總督兼管順治初止設總河

一人總理黃運兩河事務駐劄濟寧州康熙十六年以後江南河工緊要移駐清江浦雍正二年以

河南武陟中牟等縣隄工緊要設副總河一人駐劄濟寧州總河兼理南北兩河副總河爲總督河

南山東河道分管南北兩河

承宣布政使司布政使直隸山東山西河南江甯蘇州安徽江西福建浙江湖北湖南陝西甘肅四

川廣東廣西雲南貴州各一人掌一省之政事錢穀之出納 朝廷有德澤禁令承流宣布以達於

有司闔省僚屬以時頒其祿俸滿秩廉其稱職不稱職報督撫以達於吏部十年會戶版均稅役登

民數田數以達於戶部凡諸政務與督撫會議經畫而行之

提刑按察使司按察使直隸山東山西河南江蘇安徽江西福建浙江湖北湖南陝西甘肅四川廣

東廣西雲南貴州各一人掌全省刑名按劾之事振揚風紀澄清吏治大者與藩司會議以聽于部

院理闡省之驛傳三年大比爲監試官大計爲考察官秋審爲主稿官與布政使稱兩司員額